



ԱՄԵՆԱՅՆ ՀԱՅՈՑ ՀԱՅՐԱՊԵՏԻ ՆԱՄԱԿԸ ՔԵՆՏՐԲԵՐԻԻ ԱՐՔԵՊԻՍԿՈՊՈՍԻՆ Ի ՆՊԱՍՏ ԽԱՂԱՂՈՒԹՅԱՆ

ՆՈՐԻՆ ԳԵՐԱՇՆՈՐՀՈՒԹՅՈՒՆ ԴՈԿՏ. ՋԵՈՖՖՐԻ ՖԻՇԵՐԻՆ,
ՔԵՆՏՐԲԵՐԻԻ ԱՐՔԵՊԻՍԿՈՊՈՍ, ԵՊԻՍԿՈՊՈՍԱՊԵՏ ԵՎ
ՄԻՏՐՈՊՈԼԻՏ ՀԱՄԱՅՆ ԱՆԳԼԻՈ

ԼԱՄԲԵԹԻ ՊԱԼԱՏ, ԼՈՆԴՈՆ

Մերազան նղբայր Մեր ի Քրիստոս.

Ուրախությամբ տեղեկացանք Ձերդ Գերաշնորհության հայտարարության մասին՝ ընդհանուր և լրիվ զինաքափման վերաբերյալ Միավորված Ազգերի Կազմակերպությունում Սովետական Կառավարության կողմից արված առաջարկի առթիվ: Ձեր հայտարարությունը ի նպաստ խաղաղության դատի և ի նպաստ պետությունների զինաքափման ծրագրի, իրավամբ մեծ արձագանգ գտավ միջազգային մամուլում և հատկապես մեր երկրում:

Մեր միջև ստեղծված եղբայրական սիրո կապերը, և մեր եկեղեցիների միջև հետագա առավել գործակցության հույսը բույլ են տալիս Մեզ Մեր մտածումը արտահայտելու Ձեզ նաև այս հարցի առնչությամբ, որ բախտորոշ նշանակություն և իմաստ ունի համաֆրիստոնեական և միջազգային հարաբերությունների տեսակետից:

Հայ եկեղեցին և Մենք ի սրտե ողջունում ենք Ձերդ Գերաշնորհությանը այս բարի առիթով և խորապես գնահատում ենք Ձեր սույն կեցվածքը, որով առավել ամրապնդվում ենք այն մեծ հույսով, թե կպահպանվի աշխարհի խաղաղությունը և կխնայվեն մարդկության մի նոր պատերազմի արհավիրքները:

Անշուշտ որ ժողովուրդների և եկեղեցիների առաջ դրված բազում հարցեր կան, որոնց շարքին նաև շատ ցավոտ հարցեր, որոնք իրենց նիշտ ու արդար լուծմանն են սպասում, սակայն Մենք համոզված ենք, թե բոլոր տեսակի խնդիրները հարկ է լուծել խաղաղ միջոցներով, լայնախոհությամբ և համբերությամբ:

Մենք տեսանք, թե գոնե վերջին երկու մեծ պատերազմները ի՞նչ և ի՞նչ շափով կարողացան լուծել միջազգային հարցերը: Մենք խորհում ենք, թե արդարությունը ավելի խաղաղությամբ կարելի պիտի լինի իրականացնել քան պատերազմով:

Մեր այս խոհերը բխում են մեր ֆրիստոնեական զգացումից, բայց նաև մեր ժողովրդի, հայ ժողովրդի խղճից և մեր պատմության փորձից:

Անա քե ինչու Հայ եկեղեցին, Ս. Էջմիածնի գլխավորությամբ, միշտ ազո-
րել և աղոթում է անձանձրույթ, համայն աշխարհի խաղաղության պահպան-
ման և ամրապնդման համար, որի իրականացման դրական գրավական-
ներից մին է հանդիսանում ընդհանուր և ամբողջական զինաթափման ծրագրի
կենսագործումը բոլոր պետությունների կողմից, որի համար Դուր ևս Ձեր
ձայնն եմ բարձրացնում: Ձերդ Գերաշնորհության հեղինակավոր խոսքը և Ձեր
գլխավորած եկեղեցու աշխույժ գործունեությունը այս նպատակով, անշուշտ
որ հետզհետե կդառնան առավել արդյունավետ՝ ի փառս Ձեր ժողովրդի և Անգլի-
կան մեծ եկեղեցու:

Ձերդ Գերաշնորհության 29 մայիս քվակիր Մեզ ուղղած գրության
հաղցր տպավորության ներքև, խորհեցինք սույն Մեր մտածումները Ձեզ հա-
ղորդել Ձեր հայտարարության առթիվ, միշտ մնալով դեպի Ձեզ եղբայրական
սիրով ի Քրիստոս և լավագույն զգացումներով:

Վ.Ա.Զ.Գ.Ե.Ն. Ա.

ՄԱՅՐԱԳՈՒՅՆ ՊԱՏՐԻԱՐԺ ԵՎ ԿԱԹՈՂԻԿՈՍ
ԱՄՆԵԱՅՆ ՀԱՅՈՑ

1 Դեկտեմբերի 1959 թ.
Ս. ԷԶՄԻԱՄԻՆ

